

本草蒙筌



本草蒙筌卷六

新安祁門月朋陳嘉鎮延采纂輯

石部

三十

玉屑

味甘氣平。一云味鹹氣寒。無毒。為世珍寶。多

產藍田。

在長安東南

顏色五般。書傳詳載。黑者如純漆。

赤者如雞冠。白類截肪。黃若蒸栗。

惟青玉無說

其質溫

潤而澤。其音清越。以長叩之。即鳴。自異羣石。玉工

雕琢。屑落如麻。凡入劑中。色貴純白。

他色不用

研絕細。

免致淋壅。

一說餌玉當以消作水者為佳。研粉末終使人淋壅。

惡鹿角。毋相



和攪解渴咽喉除熱胃腕潤心神明目滋毛髮

癥助音聲定喘息久服勿已耐老輕身○又

泉乃玉泉液僊室池中者為上此最難得以法消

亦佳玉可以烏米酒或苦酒地榆酒消之為可蔥漿水消之為枯一法玉屑一升地榆

稻米各一升取白露二升同置銅器中煮米熟玉屑化為水絞取汁名曰玉液是玉精華

色甚明澈療百病尤妙惡款冬須知強骨柔筋安

魂定魄長肌肉益氣耐寒暑延年人臨死嚙下五

斤屍三年不致朽爛○**玉井水**出有玉處所常服

者亦獲壽長生



謨按先哲云玉之所以異于羣石者以其堅而有理火刃不可傷爲別耳匪但質潤而音清也苟弗精知則近似者甚多如砒砭亦可以雜也書曰燕石入筭卞氏長號其以此夫又云凡石韞玉但夜將石映燈看之內有紅光明如初出日者便知有玉卞和刖足以不鑒也其色五般今惟青白者常有黑者時有黃赤者絕無雖禮之六器亦不能得其真況其他乎服餌之人必須屏居山林排棄嗜慾方獲効驗儻或酒色弗

瑪瑙

戒反致發熱。自投于死。蓋玉稟純陽之精。而酒色助火甚速。以火濟火。安得不然。故本經註曰。若未深解節度。勿輕服之。

味辛。氣寒。無毒。出日本國。生玉石間。種有二。

般。紅黑而白。佈紋如纏絲者。咸玅。研木不見熱者。

纔真。

研木熱非真也

土人得之。碾為玩器。雖稱重寶。亦入

醫方。辟惡精邪。熨目赤爛。○**琉璃**乃火成之物。赤

目亦水浸熨之。○**玻璃**即水精珠。似玉極光瑩者。

安心明目。每著奇功。夜向太陰。可取真水。火精取



火。

向大陽取之。

用異名同。

○又種

珊瑚

惟生海底。海船

沉鐵網掛取。紅潤多枝柯參差。長大丈餘。短小尺

許。中多細孔。刺則汁流。以金投之。爲金漿。以玉投

之。爲玉髓。得飲之者。可致長生。斷枝研成粉霜。點

目。拂去麤腎。吹鼻塞。衄。鎮心止驚。仍治風癰。更主

消渴。

○

琅玕

亦海底生長。枝柯與珊瑚略同。舶者

欲求鐵網必用。出水紅潤久。旋變青。枝擊有金石

聲。劑用堪煮汁服。殺錫毒。畏惟雞骨。號青珠。

古人以石

之美者。名謂之珠。廣雅謂琉璃珊瑚皆爲珠是也。

空得水銀。主皮膚浸淫。

死肌去身體瘙痒瘡疥除石淋且破惡血起陰氣
可化爲丹。○仍有車渠形如蚌蛤外多紋理亦出
海中得者珍藏不忝玉石安神鎮宅解毒殺蟲西
域記曰重堂殿梁楹皆以七寶飭之此其一也

三三

丹砂

味甘氣微寒生餌無毒鍊服殺人出辰州屬

廣巒峒井中

本境所出硃砂多在
結嶺峒老鴉井得之

在井圍青石壁

內土人欲覓多聚乾柴縱火滿井焚之致壁迸裂
始見有石床如玉潔白生砂塊似血鮮紅大類芙

蓉頭

有四五兩至
十兩一塊者

小若羽箭簇

俗謂箭
頭砂

其甚小者

豆砂米砂作牆壁明澈為優。成顆粒鹿藟略次。

砂下品鐵屑常多。磁石引除。染畫充用。一云灰井。

者不如水井力勝。

水井有砂者其水盡赤。每有煙霞鬱蒸之氣。

新井者

難及舊井色深。凡治病邪。惟取優等。磁鉢搗細。清

水淘勻。服餌無憂。効驗自應。惡磁石畏鹹水。經云。

丹砂象火。色赤主心。故能鎮養心神。通調血脉。殺

鬼崇精魅。掃疥癢瘡瘍。止渴除煩。安魂定魄。方士

其重。常多買汞。謂能點化飛昇。每每燒煉不絕。○

依法煅以磁罐取汞。

又名水銀。

用磁罐二箇。掘地成坎。深闊量可容。



二罐先埋一罐于坎四圍用土築穩實內盛水滿
仍一罐入硃砂半滿上加敲碎瓦粒剪鐵線髻如
月圓樣一塊閉塞罐口倒覆下罐之上務令兩
相對絃縫鹽泥封固以熟炭火先文後武煨煉
炷香久其砂盡出水銀流于下罐水內復起
檢出皮殼入新硃砂固濟再煨每好砂一兩常
出七八錢低者盛以葫蘆免其走失殺五金大毒
僅五六錢而已

惡磁石同前得鉛則凝得硫則結得紫河車則伏

置金銀銅鐵于上則浮併棗核研則散揚併津唾

研則斃蟲屍體嚙之不朽銅錫槎之則明和大楓

子研末則殺瘡蟲佐黃芩爲丸則絕胎孕

方名斷孕丸

匪專醫藥亦入丹鑪皮殼名曰天硫僊方謂之已

土儻修鍊得法可點銅成銀○輕粉係汞再昇加

鹽皂礬二物質輕色白故此為名其法水銀皂礬七錢白礬

五錢同研微見星為度放煥餅盆中按匾以盆底離火三寸許用熟炭火煨之火慢則漸加

半斤為度以點線香三炷為候提出候冷用刀輕

輕挑起烏盆仰放撥去爐灰勿令香落鷄翅輕輕

掃下盆底粉脚任意掃淨另放又加皂礬水銀白

鹽同研復鍊鐵盆內餅上或有昇不起者掃上面

好者亦和前再鍊以乾溼得所為宜乾則入少水

潤之又不可太溼其盆底龕者去之或留捺臘瘰

疥癬亦好今市賣者有燒凝水石或石膏為粉以

上走者真也其功惟治外科所忌一切生血○銀

珠亦汞燒就時俗又喚心紅染畫色最奇殺蟲蟲

亦驗。庸醫不曉，研爲藥衣，違悞太深，傷害寧免。
謨按汪石山曰：經云朱砂微寒，生餌無毒。伏火
者，大毒殺人。水銀乃火煨朱砂而成，何謂無毒？
其性滑動走而不守，氣味俱陽，從可知矣。陽屬
熱火，經云水銀辛寒，似難憑據。又云有毒，得非
謂以朱砂伏火而成之耶？故毒比朱砂尤甚。宜
其蝕腦至盡，入肉百節拘攣也。又水銀和入皂
礬，再加火煨，飛著釜蓋者，謂之水銀粉。又名輕
粉。此經煨而又煨，陽中之陽，更資皂礬燥烈，比

之朱砂水銀尤爲大毒。燥烈之劑也。經云粉寒無毒。豈理也哉。近見世之淫夫淫婦多生惡瘡。始起陰股。不數日間延及遍體。狀似楊梅。因名曰楊梅瘡。甚者傳染。俗醫以輕粉爲君。佐以雄硃。腦麝等劑。或散或丸。服之雖効。愈而又發。發則又服。久久致手足攣曲。遂成痼疾。俗又名曰楊梅風。蓋由藥之燥熱酷烈。耗其血液。筋失所養。以致是也。俗人不知由死于藥。良可哀憫。

靈砂

味甘。氣溫。無毒。係水銀硫黃二藥。用水火煅

煉成形

其法水銀一兩硫黃六銖先炒作青砂額後入水火鑪抽之如束針絞者成就也

名二氣丹

畏鹹水勿加惡磁石須避止煩滿通血脈安

魂魄養精神殺鬼辟邪益氣明目久服不老輕身

神僊令人心靈神明通暢若飼猿猴鸚鵡輒作人

語不差

雲母

味甘氣平無毒瑯琊

在彭城東北

雖盛廬山

屬南康府

亦生色有五般白澤爲貴作片成層可拆通透輕

薄光明沙土養之月月生長畏鮑甲及東流水忌

羊血惡徐長卿以澤瀉使空宗雷公製鈔

每雲母一斤用

小地膽草紫貝夫葵生甘草地黃汁各一鎰入鍋中安雲母于內下天池水三鎰煮七日夜失度其雲母自然成碧玉漿在鍋底却猛投水以物攪之浮而竭涎者去之如此三度淘沉香一兩搗末以天池水煎不解節度勿輕餌之湯三升分三度再淘晒乾用

主身表死肌如車船上中風寒熱治赤白痢疾及

女婦人帶下崩中安五臟且益子精除邪氣能耐

寒暑遍身風癢百計不差者煨粉調水可服諸類

惡瘡一切作痛者研末和油可敷久服延年輕身

明目○又陽起石卽雲母根惟畏菟絲亦忌羊血

惡澤瀉茵桂併蛇蛻雷丸佐使得桑螵蛸空明瑩

若狼牙者勝。

有雲頭雨脚及鷺鷥毛者尤佳

欲試緊慢絕細研成。

鋪有紬盆中。照當午日下。盆面溼紙密掩。盆底文

火微熏。升起粘紙者力洪。仍復在盆者力劣。治腎

氣乏絕。陰痿不舉殊功。破血瘀積凝。腹痛難抵。

効。去陰囊溼癢。驅子臟冷寒。

謨按本經註云。雲母有五種。當舉以向日詳占。

視之。乃可分別。若陰地視。不見其雜色也。若五

色具者。名雲華。五色具而多青者。名雲英。宜春

服之。五色具而多赤者。名雲朱。宜夏服之。五色



具而多白者。名雲液。宜秋服之。五色具而多黑者。名雲母。宜冬服之。但有青黃二色者。名雲砂。宜季夏服之。晶晶純白者。名磷石。四季可服也。醫方所用白澤者。正磷石是也。又云。他物理埋土。卽朽。著火卽焦。而五雲納猛火中。經時不焦。埋深窰內。雖久不腐。故能令人長生。服經十年。雲氣常覆其上。夫服其母以致其子。亦理當然也。在古固此爲言。但今之望壽。未聞一人服此者。蓋因金石性悍。抑且修製節度。恐非文字可詳。

弗輕餌之。謹之至也。

禹餘糧

味甘。氣寒。無毒。採從潞州。

屬山西

形如鷺卵。

外殼重疊包裹。內黃細末一團。彷彿蒲黃。嚙甚慘齒。得之火煨醋淬。復用磁鉢重搗。水澄汁清。勿留砂土。入藥佐使。宜牡丹皮。療血閉。癥瘕。赤白漏下。除寒熱。煩滿。欬逆。邪傷。久久餌之。輕身延壽。經曰。重可去怯。禹餘糧之重。乃爲鎮固劑也。○又石中黃子。乃餘糧未成。藏諸殼中。搖則水響。本經註云。水已凝者爲餘糧。水未凝者爲石中黃子也。亦堪